

十五家詞

冊二

十五軍圖

欽定四庫全書

十五家詞卷八

休寧孫默編

曹爾堪南溪詞上

小令

搗練子

乙亥冬暮曉行

風欲靜凍初文津閣本作交加冰嚙霜痕閣岸斜流水無聲波不起冷烟微月寫輕霞

春思

人正倦晝偏長夢醒微聞繡閣香花徑尋芳誰是伴金衣公子雪衣孃

廬州廣華寺旅懷甲辰

江北路廨東頭白恰青驄絆客愁梧雨滴殘蛩語咽他鄉明日是中秋

望江南

題疑舫

真曠遠空碧捲簾收爲道岸高知是屋如逢水漲便疑舟身世可沈浮

戊寅初夏

初夏好門外嫩涼吹筍點斑痕抽玳瑁水添綠暈漲
玻璃新結竹邊籬

紀游五首

金陵好豔集記前朝桃葉清尊銀甲鬧雨花都講柘
衫嬌春在木蘭橈

二

蕪城好魄動舞衫中翠黛波心商舶曉紅燈店口市
橋風小杜醉樓東

三

西湖好鎮日冶游天青雀暮還菱作鏡紫騮春競柳
飛綿鶯語畫簾前

四

山塘好匙雪虎邱茶近水雕梁頻坐燕護晴油幙巧
分花滌器麗人家

五

蘭亭好簫鼓越中行石馬古苔南鎮廟臥龍新柳夏
王城流水十分清

憶王孫

無題

侍兒新沐避芳叢整理簪花笑語工爲愛新晴垂柳

濃掛簾櫳風攪山茶滿地紅

如夢令

江村

芳蕨桃花江渚管領漁蓑歸去唱起竹枝詞獨自輕
移柔櫓深處深處添得半篙春雨

初寒卽事

溪畔蘋花開小牆角低垂紅棗深夜卷西風牀下莎
雞來早傾倒傾倒秋社新醅正好

長相思

寄跡荒塢一月感而有作

溪邊蘆水邊梧我唱新詩興未孤錦囊隨小奴樽
常枯偈常逋舊識僧徒和酒徒年來多半疎

荻溪農家

朝來晴晚來晴罩屋桑陰分外清短簷鳩婦聲雲
須耕雨須耕新織蓑衣掩衙髻竹枝歌太平

有懷

寒潮生暮潮平綠柳朱欄繡戶明有人花下行晨
調笙夜調箏博得風流隊裏名唯留年少情

相見歡

春曉

早春數徧庭梅雪中開果是深深院宇印莓苔無
箇事牽愁思儘悠哉百舌驚人不管枕邊催

江村

水痕新漲苔磯杏花飛江岸蒲芽如箭鯢魚肥
蠅頭利爭無已昨元非只有子規明白喚人歸

生查子

和澹心

花開別後枝草滿來時路白藕五更風紅豆三更雨
歌喉月互沈舞影雲同去留只爲人留住肯隨君
住

別思

柳枝離別多杜牧風流在薄倖不成憐休挽荷花戴
燈前印口脂鏡裏留眉黛愁緒問如何雨滴蕉心
碎

昭君怨

己卯二月周斯羽兄弟招集舟中觀演家劇
魏子一於雨中爲余圖扇因調小詞題其上

日暮畫船微雨圖取春陰縷縷烟氣散江湄柳痕垂
一筆遠村如抹望去胭脂欲發屋角有桃花是誰
家

女冠子

秋日述懷

淡烟濃水正值江南秋美力田嘉小巷晴收秫山廚
晚煮瓜鵝黃家醞酒猩赤手栽花一雨近重陽覺
寒些三

山房寒思

吳船來往愛聽畫眉停槳冷紅飛石醜猶稱丈花嬌
却字妃停看千藥綻空憶四腮肥松鼠簷前落已
忘機

點絳脣

丙子夏日村墅

長晝方炎晝梁歸喘尋泥燕桔槔聲斷露稻幽香遍
倚樹當風欲比閒雲倦蘋花院小池波淺綠上牕
紗眼

江村

苦是春陰桃花半落江村暮垂楊千樹縹緲漁船渡
青滿田疇難認牛羊路溪邊步野鷗飛去只愛無
人處

感舊

記得黃昏眉梢微見紅潮印夜深低問釀作分離恨

翻悔當初合了鴛鴦枕嗟孤另欲通佳訊人遠天涯近

遣夏東除菴

蓮褪紅衣迴塘雨蓋藏鷗鷺柳絲嫌直故倩鶯來織
蒲戟青稠點綴清溪色方池黑細魚吞墨道士鵝
難得

沛上懷古

禾黍風清亂山高下供憑弔龍吟虎嘯絳灌由屠釣
轉眼興亡陵闕餘殘燒誰能料漢家遺廟明月依
然照

陸舫春思

沙暖蒲香鳳池漲綠晴波皺搓黃御柳三月春方透
小徑閒吟碧蘚生鴛鴦消晴晝雨絲拖逗似補梨
花瘦

秋暮旅懷東翼蒼

衰草重岡雁燈吹滅諸陵火誰家菊朶開近扶風左
無限悲秋難覓江淮柁耽枯坐閑文津閣本作閑
門深鎖紅葉堆中我

旅懷文津閣本作曉東漢思

慢卷同雲平臯木介霜威肅柳條吹禿猶映清文津

閣本作晴淮綠 道德微言爲目寧爲腹堪三復他
年空谷活火煨黃獨

浣溪紗

曉起

樂事貧家竟不貪疎風斜雨過城南單紗消受嫩涼
甘宿硯頻催童子滌好花頌與侍兒簪暗將私語
賭宜男

秋日園居二調

謝客微軀不願勞病餘漸覺酒文津閣本作覺減狂
豪花間行礙接羅高箇箇蔓牽黃荔子垂垂架掛
紫蒲萄曉盛芳露和蘭膏

消夏如忘伏日高藤牀一枕暑能逃起呼童子候茶
瀉書有蠹巢思曝卷箋遺蠅墨阻揮毫編來團扇
鶴遺毛

春詞

荔子紅綾窄稱身輕籠淡墨舞衫新回眸檢點著芳
塵黃雀夜飛歸玉輦紫騮日暖開朱輪青樓梳掠
惹游人

夏詞

八尺龍鬚一尺綃初離涼枕印紅潮自然香膩洗難

消 玳瑁簾垂留紫燕珊瑚架倒戲金猫藕絲香裏
送鸞簫

秋詞

玉盃低回酒力微風前團扇未停揮砧敲紅淚落征
衣 愁見月高塞繡箔起乘人靜弄金徽鴛鴦慢冷
一螢飛

冬詞

翠被難溫夜似年珠簾輕捲霧如煙寒鴉啼到畫梁
邊 鸚鵡怯風攢綠羽金猊貯火熨紅氍秦箏凍斷
十三絃

過靈塔菴

棘刺杉針墓外田鴨頭勻綠瀉堂前山僧擁衲只高
眠 粉蝶影深垂柳畔石橋路仄文津閣本作近野
鳬邊斜陽踏破草芊芊

出郭

綠徧汀蒲淺浪交波搖新柳散晴郊幽人攜屐叩蓬
茅 蛙駭早雷開蟄戶鵲占太歲啟春巢歸來斜日
過花梢

閨情

朱檻移燈拾翠鈿碧紗牕裏簾紋圓薄寒微覺枕痕

邊 鷓鴣帳開調鳳髓鷓鴣曲就撥鷓絃銀箏撩我不曾眠

燕邸清明

官柳迎風翦綠齊
曉臺春壓杏花低
誰家小襪印香泥
玉勒連錢盤輦路
毳裘油壁駐金堤
舊陵芳草杜鵑啼

感秋

雪急清砧禁樹紅
晝垂銀蒜雨濛濛
洞簫吹倚畫樓空
丹鳳城高烏叫月
白龍堆冷馬嘶風
邊愁都在暮笳中

邯鄲道中

趙國寒煙繞鹿車
曉星晴掛柳梢斜
叢臺何處問繁華
公子毬場爭蹴鞠
佳人繡閣鬪琵琶
祇餘秋草沒黃沙

晚秋漫興

曉露生妍黑丑花
亂蟲鳴軋木棉斜
棠梨霜葉赤如砂
真似客歸遺燕壘
儘容人占是鷗沙
柴門中有故侯家

菩薩蠻

有贈

夜闌香汗羅衫薄涼生枕簟人兒覺欲去且遲遲流
連三伏時 妾家何處住白廟西原路鄉漫說溫柔
此鄉應可遊

卜算子

憶夢

愁劇暫成眠有夢輕如絮醒後猶期會面難何況天
涯路 相見不禁歡醒却無尋處但願年年年在夢中
一世和郎住

醜奴兒令

曉粧

曉風吹破流蘇暖花滿香奩蝶滿湘簾拾起殘紅玉
笋尖 未梳蟬髻如雲壓膏沐微沾宮粉輕拈十樣
新眉懶去添

閨思

遠山染黛簾初捲新月微籠薄霧輕籠只許巫山入
夢中 曉粧惆悵無人見杏樣衫紅茜樣鞋紅半臂
殷勤護守宮

惜別

多情一向真癡絕范蠡湖邊西子湖邊兩地相逢再
世緣 別時杯酒澆何處夜合花前芍藥花前獨自

悲歡若箇憐芍藥花一名將離○文津閣本無注

減字木蘭花

夏日雜咏

幽蘭欲吐移進闌干看愈嫵散髮當風上有千尋綠
蔭濃 納涼池閣林影波中魚戲樂芳餌剛垂一尺
黃魚上釣絲

初夏放舟郭外

垂垂紫棟四月江心頻點燕停館誰家天棘抽條出
屋斜 輕舸不穩移向伍塘風力緊晴日將西黃犢
江村水一犁

春暮

晚飄紅雨吹亂薔薇啼杜宇綠樹新陰中有青樓惜
別心 湘簾半落細聽呢喃催繡箔心事誰傳傳語
鸚哥當錦箋

清和晝涼釀陰不雨小詞志憶二調

箏龍抽綠兩部笙簧池上續猩染薔薇雪壓酴醾蝶
亂飛 半牀絃管櫻筍風光過小滿最憶清娛釣具
茶鎗寄五湖

陰晴堪畫修竹清風隣可借紅藥初開青雀油幢載
酒來 舊游如夢柳絮黏泥飛不動好語花卿河滿

休彈第一聲

謁金門

寫別

多情種別後淚痕潮湧綺戶海棠春雨重芳心愁自
捧花也和人爭寵腸斷錦衾孤擁小字紅箋誰與
送相思看筆冢

好事近

送客北遊

斯世少英雄應笑成名豎子衰草夕陽彌望弔金元
遺壘霜橋孤月照空囊枯樹亂鴉起旅館蕪菁低
照讀數行殘史

夷門書屋在虎邱鐵花菴

舴艋泛溪花流水一灣堪泊古木撐雲溜雨似垂髯
猿猱山中日盡已忘年展卷代行樂短簿祠前歸
去見紫薇花落

憶秦娥

戲和

垂珠幕羅裙怕引狂風惡狂風惡畫樓深處是誰輕
薄帳兒偎倚星兒落莫驚犬吠金鈴索金鈴索饒
他夜靜有人知覺

冬感

殘霞沒隄，糜凍黑西風突。西風突，怪鴟悲嘯，一天霜月。幽杯慷慨冠衝髮。古今人物都消歇。都消歇，陰房鬼火，戰場枯骨。

傷逝

東君惡，好花未足。風先落。風先落，啼猿兩岸，峽雲飄泊。問天搔首天疑錯。無端玉樹塵埋却。塵埋却，諸公皆在，斯人不作。

清平樂

閨詞

眉痕頻皺，不似東風舊。欺盡孤眠寒更透。生得腰肢元瘦。梨花靜掩長門。尋常過幾黃昏。魂向當初銷盡，如何又說銷魂。

隔船却寄爲澹心賦和韻

輕衫雪皎，穩稱身材小。隔水秋波頻送巧。勾引相思難了。柳枝插入楊枝。故人青眼修眉對面盈盈。不語渾疑暗憶當時。

答澹心

故人何處居。傍要離墓。滕六剪花濃似絮。練鵲巧穿林去。翩翩鶴氅羊裘。羨伊才子風流。試種疎梅繞

屋暮年端傲封侯

甘草子

春情

春暮曉霧空濛認作絲絲雨
侍女醒扶頭釵墜驚鸚鵡
百尺遊絲輕舉空罨住
梨花難吐喚起朝朝枕
邊語恨多情如許

阮郎歸

寒村漫興

澗流傳響聚沙紅
海雲城角濃征途
蕭蕭繞寒風
霜花催曉鴻
粉樹底荻花東
遠村詩畫中
虎頭老手
輞川翁知他同不同

錦堂春

清涼寺掃葉上人山樓

如練澄江東瀉春鋤舞雪蒙茸倚樓遙見迎潮燕飛
趁片帆風
楚蜀烟波不斷齊梁佳麗都空
山僧不識興亡感閒數落花紅

朝中措

龍潭驛懷舊

驚濤吹簸老龍愁
暮雨且停驂
紅樹斜分建業青山
多在江南
遠檣排漢亂帆擊汰百尺空潭
一曲渭

城歌罷酒樓誰是何哉

東干小憩

平沙水漫暮潮通
亞竹野桃紅燕子
國中佳日白鷗
社裏東風
干將故里避喧
剷跡斗酒過從錯字休
教鐵鑄來尋三泖漁翁

山花子

秋晚

黃蝶尋花褪薄衣
槐陰吹老漏斜暉
紅棗掛枝秋已
熟打應稀
不斷雁聲和月叫
重驚鴉宿帶霜飛
田有香杭園有菊幾時歸

柳梢青

春閨

昨日清明桃花紅浪作出多情帶恨黏愁無端惹住
一點春錫
東風難雨難晴看又過殘花亂鶯酒伴
關心燈前偷淚撩亂銀箏

西江月

題玄真子浮家泛宅圖和韻

有客漁焉終老惟君賜者爲家釣竿茶竈隔船紗櫺
去隨潮上下
水口紅桃流散山前白鷺飛斜風波
惡處舞神鴉笑捲青蓑歸罷